



Број: **01/3-50-1-3-44/10**
Sarajevo, 30. 3. 2010. godine

Z A P I S N I K
44. sjednice Komisije za vanjsku trgovinu i carine Predstavničkog doma
Parlamentarne skupštine BiH,
održane 30. 3. 2010. godine

Sjednica je počela u 13 sati.

Sjednicom je predsjedavao predsjedavajući Komisije Slavko Jovičić.

Sjednici su prisustvovali: Salko Sokolović, Šemsudin Mehmedović, Nermina Zaimović - Uzunović, Mehmed Suljkanović, Jerko Ivanković Lijanović i Ekrem Ajanović.

Opravdano su odsustvovali Željko Kuzmanović i Ljiljana Milašin.

Sjednici su prisustvovali: Ljubiša Ćosić, savjetnik ministra MVTEOBiH, Milorad Zeković, direktor Uprave BiH za zaštitu zdravlja bilja, Lenka Kozić, direktor Agencije za nadzor nad tržištem BiH, Snježana Akulović, savjetnik direktora Uprave BiH za zaštitu zdravlja bilja, Zoran Brkić, viši stručni saradnik u Sektoru za odnose s javnošću PSBiH, Sonja Abdulovski, stručni saradnik u Komisiji, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 43. sjednice Komisije,
2. Razmatranje Izvještaja o radu Vijeća ministara BiH za 2009. godinu, radi dostavljanja Mišljenja Predstavničkom domu o aktivnostima iz djelokruga:
 - a) Ministarstva vanjske trgovine i ekonomskih odnosa BiH,
 - b) Ureda za veterinarstvo BiH,
 - c) Uprave BiH za zaštitu zdravlja bilja, i
 - d) Agencije za nadzor nad tržištem BiH.

Ad. 1. Usvajanje Zapisnika 43. sjednice Komisije

Zapisnik 43. sjednice Komisije usvojen je jednoglasno, bez primjedbi.

Ad. 2. Razmatranje Izvještaja o radu Vijeća ministara BiH za 2009. godinu, radi dostavljanja Mišljenja Predstavničkom domu o aktivnostima iz djelokruga:

- a) Ministarstva vanjske trgovine i ekonomskih odnosa BiH, i**
- b) Ureda za veterinarstvo BiH,**

Predsjedavajući Komisije Slavko Jovičić je u uvodnim napomenama istakao da je Vijeće ministara BiH na 115. sjednici, održanoj 18. 2. 2010., razmatralo i usvojilo **Izvještaj o radu Vijeća ministara BiH za 2009. godinu**, u kojem su sadržani pojedinačni izvještaji o radu ministarstava BiH, samostalnih upravnih organizacija i tijela Vijeća ministara BiH, i 22. 2. 2010. dostavilo Parlamentarnoj skupštini BiH, na razmatranje.

Kolegij Predstavničkog doma je, 9. 3. 2010., dostavio Izvještaj stalnim komisijama Doma uz obavezu da svaka iz svoje oblasti razmotri aktivnosti određenih ministarstava i samostalnih upravnih organizacija, te Predstavničkom domu dostavi svoje mišljenje.

Ljubiša Ćosić je, u ime MVTEOBiH i Ureda za veterinarstvo BiH, iznio najvažnije aktivnosti u 2009. godini koje su provedene kako kroz zakonodavnu aktivnost, usklađivanje bh. tehničke legislative s legislativom EU, preduzetih aktivnosti usvajanjem mjera za otklanjanje carinskih barijera, akreditiranje tijela na osnovu Sporazuma za ocjenjivanje usklađenosti. Od 163 programska zadatka Ministarstvo je realiziralo 71, ili 44%.

U raspravi su učestvovali: Jerko Ivanković Lijanović, Salko Sokolović i Slavko Jovičić.

Na prijedlog Jerka Ivankovića Lijanovića, Komisija je jednoglasno usvojila sljedeći **a k l j u č a k**:

Zadužuje se Ministarstvo vanjske trgovine i ekonomskih odnosa BiH da, u saradnji s Uredom za veterinarstvo BiH i Upravom BiH za zaštitu zdravlja bilja, sačini Mapu puta s ciljem stvaranja uslova za izvoz proizvoda životinjskog i biljnog porijekla, s konkretnim rokovima i izvršiocima;

c) Uprave BiH za zaštitu zdravlja bilja

Milorad Zeković, direktor Uprave, istakao je da je Uprava svoju aktivnost preusmjerila ka izradi nedostajućih podzakonskih akata za omogućavanje primjene zakona iz fitosanitarne oblasti BiH, te da postoji dobra saradnja sa institucijama entiteta i Brčko Distrikta BiH.

U raspravi su učestvovali: Šemsudin Mehmedović, Ekrem Ajanović, Salko Sokolović i Nermina Zaimović-Uzunović.

U raspravi je ukazano na rezultate poslovanja Uprave na osnovu Izvještaja Ureda za reviziju BiH, način trošenja sredstava, nacionalnu strukturu zaposlenih i način zapošljavanja.

d) Agencije za nadzor nad tržištem BiH

Lenka Kozić, direktorica Agencije, istakla je da je Agencija samostalna upravna organizacija koja odgovara Vijeću ministara BiH, a formirana je na osnovu Zakona za nadzor nad tržištem BiH. Agencija ima ulogu koordinatora, nema ovlaštenja predlaganja zakona i skoro je u potpunosti realizirala planirane aktivnosti u 2009. godini.

Komisija je konstatala da su najvažnije aktivnosti i stanje za 2009. godinu u dijelu Izvještaja navedenih institucija objektivni i urađeni jedinstvenom i kvalitetnom metodologijom kroz zakonodavne aktivnosti, aktivnosti u zaključivanju međunarodnih ugovora i evropskih

integracija. Također, planirani i realizirani programski zadaci kao i preduzete mjere i radnje detaljno su opisane.

Nakon rasprave, Komisija je podržala aktivnosti za 2009. godinu:

**a) Ministarstva vanjske trgovine i ekonomskih odnosa BiH, te usvojila sljedeći
z a k l j u č a k:**

- zadužuje se Ministarstvo vanjske trgovine i ekonomskih odnosa da izradi vanjskotrgovinski bilans BiH 2009., upoređen s vanjskotrgovinskim bilansom BiH za 2008. godinu, i
- da uradi analizu vanjskotrgovinskog bilansa za 2009. godinu u kojoj će biti prikazani efekti Mjera za zaštitu domaće proizvodnje iz Akcionog plana za provođenje mjera u okviru CEFTA sporazuma;

b) Ureda za veterinarstvo BiH;

c) Uprave BiH za zaštitu zdravlja bilja, i

d) Agencije za nadzor nad tržištem BiH.

Komisija će predložiti Predstavničkom domu da usvoji **Izveštaj o radu Vijeća ministara BiH za 2009. godinu** u dijelu koji se odnosi na aktivnosti: **Ministarstva vanjske trgovine i ekonomskih odnosa BiH, sa usvojenim zaključkom; Ureda za veterinarstvo BiH; Uprave BiH za zaštitu zdravlja bilja; i Agencije za nadzor nad tržištem BiH.**

Sjednica je završena u 14,30 sati.

Sekretar Komisije
Emira Češljarić

Predsjedavajući Komisije
Slavko Jovičić